

CXIX.

16 Augustus 1566.

*Lettre missive du Prince d'Orange à Son Altèze, en date
le 16 d'Aougst 1566.*

MADAME,

Depuis que le Drossart de Brabant est arrivé en sa maison cy-près (2), et aucuns chariotz chargez d'armes passez, et l'un arresté en ceste ville, et que les advertissemens qu'ay envoié hier à Vostre Altèze sont venuz à ces gens de presches, les choses sont beaucoup enaigrez, de sorte, Madame, qu'il me samble, pour éviter que désordre n'adviegne, pendant que me trouveray devers Vostre Altèze, selon qu'elle le m'at mandé, sera besoing envoyer icy personnage qui puist estre respecté et tiègne la ville en repos et tranquillité, si avant qu'il sera possible: autrement, je crains qu'il y pourrat survenir quelque inconvenient, que causeroit la ruyne de la ville; que les marchans se retireroient, le cours et trafficque de la marchandise cesseroit. Suppliant partant Vostre Altèze vouloir résouldre

(1) Aangehaald D. X, blz. 129. Zie GACHARD, *Op. cit.* T. II, p. 193.

(2) Volgens den heer GACHARD te Merxem.

sur le dict envoy, et m'en mander son bon plaisir, pour me povoir régler selon icelluy, car la diffidence qu'ilz ont contre aucuns de la Loy est occasion de peu de respect, qu'ilz doibvent à leur Magistrat. Sur ce, Madame, baisant très-humblement les mains de Vostre Altèze, prie Dieu la conserver en santé, longue vie.

D'Anvers, le XVI^me jour d'Aoust 1566.

Collationnée à l'auctenticque copie, est trouvée
accorder par moy,

A. GRAPHEUS. (1)
